



KOMUNIKADO PA PRENSA

Fecha

7 ougùstùs 2014

Account Manager

Jhanirha Anita

Email

jhanirha.anita@gobiernu.cw

Nr.

MINISTER EARL BALBORDA HUNTU DOMEINBEHEER TA INISIÁ PROYEKTO DI INFRASTRUKTURA NA SAPATÉ FASE III

Willemstad – Awe 7 ougùstùs Minister Earl Alborda huntu ku Domeinbeheer duna inisio na e último fase di e plan maestro na Sapaté. Ta konosí ku na Kòrsou tin un demanda grandi pa traha kas i pa tereno di erfpagt. Den afan pa sigui desaroyá Kòrsou ku tereno pa bibienda pa komunidad i stimulá ekonomia di Kòrsou, Minister Alborda i Domeinbeheer ta desaroyá 68 parsela pa bibienda na Sapaté fase III. Sapaté ta birando un barío modelo i eksitoso. E plan di parselashon di Sapaté ta konsistí di entre otro un sentro komersial, área di rekreashon i un total di mas o ménos 400 kas repartí den diferente klase. A tene kuenta ku áreanan pa peaton i tambe lo perkurá pa planta matanan indigeno pa asina krea áreanan bèrdè.

Gobièrnu di Kòrsou a bai di akuerdo pa enkargá e kontratista Agostinho General Transpòrt & Contractors ku e trabounan di infrastruktura. Un tim di kordinashon di Gobièrnu, kual ta konsistí di ekspertonan di Servisio pa Planifikashon Urbano (ROP), Servisio pa Obra Públiko (OW) i ku Domeinbeheer na kabes, ta forma un laso di trabou firme i serio pa desaroyo positivo di e proyekto.

E proyekto di desaroyo di infrastruktura aki ta duna un bista kla di e modelo kon Domeinbeheer i Minister Alborda a bini ta atendé ku su responsabilidadat pa sigui desaroyá mas parsela pa por kumpli ku e demanda ku tin bou di nos komunidad. E parselanan den proyekto aki na Sapaté fase III lo finalisá na mart 2015.

Pueblo di Kòrsou por sigui tur último desaroyonan di Minister Alborda di Tráfiko, Transporte i Planifikashon Urbano via di su página di Facebook 'Earl W. Alborda, Minister VVRP'.